

LIGJ
PËR NDRYSHIMIN DHE PLOTËSIMIN E LIGJIT PËR QASJE TË LIRË
TE INFORMATAT ME KARAKTER PUBLIK

Neni 1

Në Ligjin për qasje të lirë te informatat me karakter publik ("Gazeta zyrtare e Republikës së Maqedonisë" numër 13/2006 dhe 86/2008), në nenin 1 paragrafi (1) ndryshohet, si vijon:

"Me këtë ligj rregullohen kushtet, mënyra dhe procedura për realizimin e së drejtës për qasje të lirë te informatat me karakter publik, me të cilat disponojnë organet e pushtetit shtetëror dhe organet dhe organizatat tjera të përcaktuara me ligj, organet e komunave, Qyteti i Shkupit dhe komunat në Qytetin e Shkupit, institucionet dhe shërbimet publike, ndërmarrjet publike, personat juridikë dhe fizikë, të cilët kryejnë autorizime publike të përcaktuara me ligj (në tekstin e mëtejme: poseduesit e informatave)."

Neni 2

Në nenin 3 alinetë 1 dhe 2, ndryshohen si vijojnë:

- "posedues të informatave" janë organet e pushtetit shtetëror dhe organet dhe organizatat tjera të përcaktuara me ligj, organet e komunave, Qyteti i Shkupit dhe komunat në Qytetin e Shkupit, institucionet dhe shërbimet publike, ndërmarrjet publike, personat juridikë dhe fizikë të cilët kryejnë autorizime publike, të përcaktuara me ligj,
- **"informatë me karakter publik"** është informata në çfarëdo lloj forme, të cilën e ka krijuar ose me të cilën disponon poseduesi i informatës, në pajtim me kompetencat e tij (në tekstin e mëtejme: informata).

Pas alinesë 4, shtohen dy aline të reja 5 dhe 6, si vijojnë:

- person zyrtar është personi 1 punësuar te poseduesi i informatave, i emëruar me aktin e personit përgjegjës, i cili ndërmjetëson me informatat me karakter publik, të cilat i ka krijuar ose me të cilat disponon poseduesi i informatave, në pajtim me kompetencat e tij dhe
- "test i dëmit" është procedura e domosdoshme të cilën e zbaton poseduesi i informatës para se ta refuzojë qasjen, në pajtim me nenin 6 të këtij ligji, e me të cilën i kontrollon pasojat ndaj interesit i cili mbrohet, përkatësisht interesit publik i cili do të arrihej me publikimin e informatës."

Neni 3

Në nenin 5 fjala "përgjegjës" zëvendësohet me fjalën "zyrtar."

Neni 4

Në nenin 6 paragrafi (1), pika 8 fshihet. Pika 9 bëhet pikë 8. Paragrafi (3), ndryshohet si vijon: "Me përjashtim nga paragrafi (1) i këtij neni, poseduesit e informatave do të lejojnë qasje te informata, pas zbatimit në mënyrë obligative të testit të dëmit me të cilin do të përcaktohet se me publikimin e informatës së tillë, pasojat ndaj interesit i cili mbrohet janë më të vogla se interesi publik i përcaktuar me ligj, që do të arrihej me publikimin e informatës."

Neni 5

Në nenin 10 paragrafi (1) alineja 4, pas fjalëve: "kanë të bëjnë me" shtohen fjalët: "aktet e".

Në alinenë 6, fjala "për" zëvendësohet me fjalën "nga".

Pas paragrafit (2) shtohet paragraf i ri (3), si vijon:

"(3) Si mënyra të informimit të publikut për punën e vet, poseduesit e informatave është e nevojshme që:

- t'i publikojnë aktet ligjore dhe nënligjore, në ueb- faqen zyrtare të institucionit,
- t'i lëshojnë komunikata publikut për punët e ndërmarra nga ana e tyre, në pajtim me kompetencat ligjore,
- të publikojnë të dhëna statistikore për punën e vet, -t'i publikojnë raportet e punës, të cilat ua parashtrojnë organeve kompetente për zbatimin e kontrollit dhe mbikëqyrjes dhe
- në mënyrë tjetër të paraparë me ligj, t'i bëjnë të arritshme të gjitha informatat me karakter publik."

Neni 6

Në nenin 13 paragrafi (2) fjala "dhjetë" zëvendësohet me fjalën "pesë". Në paragrafin (3) fjalët: "shënim zyrtar" zëvendësohen me fjalën "konkluzion".

Pas paragrafit (3) shtohet paragraf i ri (4), si vijon: "(4) Kundër konkluzionit nga paragrafi (3) i këtij neni, kërkuar i informatës ka të drejtë ankese te Komisioni për mbrojtjen e së drejtës për qasje të lirë te informatat me karakter publik."

Paragrafi (4) bëhet paragraf (5).

Neni 7

Në nenin 16 paragrafi (1), fjalët: "Llojin dhe" fshihen.

Pas paragrafit (1) shtohet paragrafi ri (2), si vijon:

"(2) Kërkesa parashtrohet në formularin nga paragrafi (1) i këtij neni, ose në formë dhe në mënyrë tjetër, në pajtim me nenin 12 paragrafi (1) i këtij ligji."

Në paragrafin (4) i cili bëhet paragraf (5), fjalët: "nuk është e domosdoshme" zëvendësohen me fjalët: "nuk është i obligueshëm".

Paragrafët (2), (3) dhe (5), bëhen paragrafë (3), (4) dhe (6).

Neni 8

Në titullin e pikës 6, para nenit 17 fjalët: "dhe refuzimi" fshihen.

Neni 9

Në nenin 17 pas paragrafit (3) shtohet paragrafi i ri (4), si vijon:

"(4) Kundër konkluzionit për ndërprerjen e procedurës, lejohet ankesë te Komisionin për mbrojtjen e së drejtës për qasje të lirë te informatat me karakter publik."

Pas paragrafit (4) i cili bëhet paragraf (5), shtohet paragrafi i ri (6), si vijon:

"(6) Kundër aktvendimit për refuzimin e kërkesës, lejohet ankesë në Komisionin për mbrojtjen e së drejtës për qasje të lirë te informatat me karakter publik."

Neni 10

Në nenin 18 paragrafi (1) fjala "dhjetë" zëvendësohet me fjalën "tre".

Neni 11

Në nenin 21 paragrafi (2), pas fjalëve: "nëse është më e volitshme" shtohen fjalët: "për kërkuesin".

Neni 12

Në nenin 22 paragrafi (3) ndryshohet, si vijon:

"Nëse poseduesi i informatës nuk vepron në afatin nga paragrafi (1) i këtij neni, kërkuesi i informatës mund t'i parashtrojë ankesë Komisionit për mbrojtjen e së drejtës për qasje të lirë te informatat me karakter publik."

Neni 13

Në nenin 24 pas paragrafit (4) shtohet paragraf i ri (5), si vijon:

"(5) Nëse poseduesi i informatës nuk i përgjigjet kërkesës së përsëritur të kërkuesit të informatës, pas skadimit të afatit të përcaktuar në paragrafin (4) të këtij neni, kërkuesi i informatës mund të parashtrojë ankesë te Komisioni për mbrojtjen e së drejtës për qasje të lirë te informatat me karakter publik."

Neni 14

Në nenin 26 paragrafi (2), fjalët: "kërkuesi njoftohet me shkrim" zëvendësohen me fjalët: "poseduesi i informatës me konkluzion do ta ndërpresë procedurën".

Pas paragrafit (2) shtohet paragraf i ri (3), si vijon:

"(3) Kundër konkluzionit nga paragrafi (2) i këtij neni, kërkuesi i informatës mund të parashtrojë ankesë te Komisioni për mbrojtjen e së drejtës për qasje të lirë te informatat me karakter publik."

Neni 15

Në nenin 28 paragrafi (2) pas fjalës "ligji", vihet pikë dhe fjalët deri në fund të fjalisë fshihen.

Paragrafi (4) ndryshohet, si vijon:

"Nëse Komisioni për mbrojtjen e së drejtës për qasje të lirë te informatat me karakter publik, në afatin nga paragrafi (3) i këtij neni, nuk merr aktvendim për ankesën e kërkuesit kundër aktvendimit të shkallës së parë, ndërsa nuk e merr as në afat prej shtatë ditësh pas kërkesës së përsëritur, kërkuesi mund të ngritë kontest administrativ."

Neni 16

Në nenin 30 paragrafi (1) ndryshohet, si vijon:

"Komisioni për mbrojtjen e së drejtës për qasje të lirë te informatat me karakter publik (në tekstin e mëtejme: Komisioni), është organ i pavarur shtetëror, i cili punon dhe merr vendime në pajtim me kompetencat e përcaktuara me këtë ligj."

Pas paragrafit (2) shtohet paragraf ri (3), si vijon:

"(3) Komisioni e ka cilësinë e personit juridik."

Neni 17

Neni 31, ndryshohet si vijon:

"(1) Komisioni është i përbërë prej kryetarit, zëvendësit të tij dhe tre anëtarëve, të cilët funksionin e kryejnë profesionalisht me mandat prej pesë vjetësh, me të drejtë rizgjedhjeje.

(2) Kryetarin, zëvendësin dhe anëtarët i emëron dhe shkarkon Kuvendi i Republikës së Maqedonisë, me propozimin e Komisionit për çështjet e zgjedhjeve dhe të emërimeve.

(3) Kuvendi i Republikës së Maqedonisë, shpall konkurs publik për zgjedhjen e kryetarit, zëvendësit dhe anëtarëve të Komisionit. Komisioni për çështjet e zgjedhjeve dhe emërimeve i Kuvendit të Republikës së Maqedonisë, përgatit propozim-listë të kandidatëve për kryetar, zëvendës dhe anëtarë të Komisionit dhe ia parashtron Kuvendit të Republikës së Maqedonisë.

(4) Kryetar i Komisionit emërohet personi shtetas i Republikës së Maqedonisë, me arsim të lartë, tetë vjet përvojë pune në sferën e informimit dhe çështjeve juridike, si dhe të mos jetë anëtar i organit të partisë politike.

(5) Zëvendëskryetar emërohet personi shtetas i Republikës së Maqedonisë, me arsim të lartë, gjashtë vjet përvojë pune, nga të cilat tre vjet në sektorin joqeveritar dhe të mos jetë anëtar i organit të partisë politike.

(6) Anëtar i Komisionit emërohet personi shtetas i Republikës së Maqedonisë, me arsim të lartë, pesë vjet përvojë pune në sferën e informimit dhe punëve juridike dhe të mos jetë anëtar i organit të partisë politike.

(7) Kryetari e udhëheq, e përfaqëson dhe e prezanton Komisionin."

Neni 18

Pas nenit 31 shtohet nen i ri 31-a, si vijon: "Neni 31-a

(1) Funkzioni i kryetarit, zëvendësit dhe anëtarit të Komisionit u përfundon para skadimit të mandatit:

- nëse pushon njëri nga kushtet e përcaktuara në nenin 31 të këtij ligji,
- me kërkesë personale,
- për shkak të plotësimit të kushteve për pension sipas pleqërisë, të përcaktuara me ligj,
- për shkak të vdekjes,
- nëse me aktvendim të plotfuqishëm i është shqiptuar ndalim për kryerjen e profesionit, veprimtarisë ose detyrës,
- nëse me aktvendim të plotfuqishëm gjyqësor është i dënuar me dënim me burg prej mbi gjashtë muajsh dhe
- nëse Komisioni për çështje të zgjedhjeve dhe emërimeve i Kuvendit të Republikës së Maqedonisë, e vërteton propozimin për shkarkimin e kryetarit, zëvendësit të tij ose anëtarit të Komisionit, për shkak të kryerjes joprofesionale dhe pa përgjegjësi të funksionit, në bazë të propozimit që e ka miratuar Komisioni me shumicë votash.

(2) Nëse kryetarit, zëvendësit të tij ose anëtarit të Komisionit, u pushon funksioni para skadimit të mandatit në pajtim me paragrafin (1) të këtij neni, në

afat prej tre muajsh zgjidhet kryetari, zëvendësi i tij dhe anëtari i Komisionit, në pajtim me nenin 31 të këtij ligji.

(3) Mandati i personave nga paragrafi (2) i këtij neni, zgjat deri në skadimin e mandatit të Komisionit."

Neni 19

Në nenin 32 alineja 11 fjalët: "statut, si dhe të tjera" fshihen.

Pas alinesë 11 shtohet alineja e re 12, si vijon:

"- e bën promovimin e së drejtës për qasjes të lirë te informatat me karakter publik."

Neni 20

Në nenin 33 para Çalës "Komisioni" vihet numri "(1)", ndërsa fjalia: "Mënyra e punës dhe vendosjes rregullohen me Statut për të cilin jep pëlqim Kuvendi i Republikës së Maqedonisë." fshihet.

Pas paragrafit (1) shtohet paragraf i ri (2), si vijon:

"(2) Komisioni punon dhe vendos me shumicë votash nga numri i përgjithshëm i anëtarëve."

Neni 21

Titulli i pikës 5 ndryshohet si vijon: "Sekretariati".

Neni 22

Neni 34 ndryshohet, si vijon:

"(1) Për kryerjen e punëve profesionale, administrative dhe teknike të Komisionit, formohet Sekretariati si shërbim profesional i Komisionit.

(2) Me Sekretariatit udhëheq Sekretari i përgjithshëm, të cilin e emëron dhe shkarkon Komisioni.

(3) Sekretari i përgjithshëm dhe të punësuarit në Sekretariat, e kanë statusin e nëpunësve shtetërorë."

Neni 23

Në nenin 35 fjala "kompetente" zëvendësohet me fjalën "administrative".

Neni 24

Në nenin 37 paragrafi (2) ndryshohet, si vijon:

"Raporti nga paragrafi (1) i këtij neni, përmban:

- të dhëna për personat zyrtarë të obliguar për ndërmjetësim të informatave te poseduesit e informatave,
- numrin e kërkesave të parashtruara,
- numrin e kërkesave me përgjigje pozitive,
- numrin e kërkesave të refuzuara me shënimin e shkaqeve për secilën kërkesë të refuzuar,
- numrin e ankesave të parashtruara kundër vendimeve të shkallës së parë (aktvendimeve dhe konkluzioneve) të poseduesve të informatave, me

- përshkrim të vendimit si dhe me shënimin e shkaqeve për vendimin e miratuar, në rast të refuzimit të përsëritur të informatës së kërkuar,
- numrin e ankesave të miratuara me vendim të Komisionit,
 - numrin e vendimeve të ndryshuara të shkallës së parë, pas veprimit të Komisionit,
 - numrin e ankesave të refuzuara nga Komisioni dhe shkaqet e refuzimit të tyre,
 - numrin e ankesave të hedhura poshtë nga Komisioni dhe shkaqet e hedhjes poshtë të tyre,
 - numrin e rasteve të heshtjes së Komisionit,
 - numrin e kërkesave për ngritje të procedurës për kundërvajtje dhe procedurave të ngritura për kundërvajtje,
 - numrin dhe llojin e sanksioneve të shqiptuara për kundërvajtje,
 - numrin e kontesteve të ngritura administrative, kundër vendimit përfundimtar të Komisionit dhe
 - numrin dhe listën e vendimeve të miratuara gjyqësore, në të cilat padia e kërkuarit në kontestin administrativ është zgjidhur pozitivisht, si dhe paraqitjen e shkaqeve në të cilat bazohet vendimi i gjykatës kompetente."

Neni 25

Në nenin 38 fjalët: "në administratën shtetërore" zëvendësohen me fjalët: "te poseduesi i informatave".

Neni 26

Titulli i Kapitullit IX ndryshohet si vijon: "**IX. DISPOZITAT PER KUNDËRVAJTJE**".

Neni 27

Neni 39 ndryshohet, si vijon:

"Gjobë në shumë prej 1 000 deri në 2 000 euro me kundërvlerë në denarë, për kundërvajtje do t'i kumtohet personit përgjegjës te poseduesi i informatës, nëse nuk vepron në pajtim me nenet 2 paragrafi (2) dhe 6 paragrafi (3) të këtij ligji."

Neni 28

Neni 40 ndryshohet, si vijon:

"Gjobë në shumë prej 1 000 deri në 1 500 euro me kundërvlerë në denarë, do t'i kumtohet për kundërvajtje personit përgjegjës, përkatësisht personit zyrtar te poseduesi i informatës, i cili do të japë të dhëna në kundërshtim me nenin 6 paragrafi (1) të këtij ligji, e për këtë shkak i është shkaktuar dëm kërkuarit, publikut ose interesit i cili mbrohet me këtë informatë."

Neni 29

Neni 41, ndryshohet si vijon:

"Gjobë në shumë prej 300 deri në 500 euro me kundërvlerë në denarë, do t'i kumtohet për kundërvajtje personit përgjegjës te poseduesi i informatës, i cili nuk do të caktojë person zyrtar kompetent për ndërmjetësim gjatë realizimit të së drejtës për qasje të lirë te informatat, në pajtim me nenin 8 paragrafët (1) dhe (2) të këtij ligji."

Neni 30

Neni 42, ndryshohet si vijon:

"Gjobë në shumë prej 500 deri në 800 euro me kundërvlerë në denarë, për kundërvajtje do t'i kumtohet personit përgjegjës te poseduesi i informatës, i cili nuk do ta mbajë dhe azhurnojë evidencën e informatave me të cilat ai disponon dhe nuk do t'i publikojë në mënyrë adekuate të arritshme për kërkuesin, në pajtim me nenin 9 të këtij ligji."

Neni 31

Neni 43, ndryshohet si vijon:

"(1) Gjobë në shumë prej 500 deri në 1 000 euro me kundërvlerë në denarë, do t'i kumtohet për kundërvajtje personit përgjegjës te poseduesi i informatës, nëse nuk siguron për kërkuesit hapësira për shikim në informatat e kërkuara, në pajtim me nenin 11 të këtij ligji.

(2) Gjobë në shumë prej 300 deri në 500 euro me kundërvlerë në denarë, për kundërvajtje do t'i kumtohet personit zyrtar për ndërmjetësim me informatat te poseduesi i informatës, nëse kërkuesve nuk u ofron ndihmë gjatë kërkimit të informatave, në pajtim me nenin 11 të këtij ligji.

(3) Gjobë në shumë prej 300 deri në 500 euro me kundërvlerë në denarë, për kundërvajtje do t'i kumtohet personit zyrtar te poseduesi i informatës, nëse kërkon arsyetim nga kërkuesi i informatës në kundërshtim me nenin 16 paragrafi (5) i këtij ligji."

Neni 32

Neni 44, ndryshohet si vijon:

"Gjobë në shumë prej 300 deri në 500 euro me kundërvlerë në denarë, do t'i kumtohet për kundërvajtje personit zyrtar për ndërmjetësim me informatat te poseduesi i informatës, nëse në afatin e paraparë pa arsye nuk e ndërmjetëson informatën, në pajtim me nenin 21 të këtij ligji."

Neni 33

Neni 45, ndryshohet si vijon:

"Gjobë në shumë prej 500 deri në 800 euro me kundërvlerë në denarë, do t'i kumtohet për kundërvajtje personit përgjegjës te poseduesi i informatës, i cili nuk do të përgatisë raport vjetor për zbatimin e këtij ligji dhe të cilin nuk do t'ia parashtrojë Komisionit, në pajtim me nenin 37 të këtij ligji."

Neni 34

Pas nenit 45, shtohen dy nene të reja 45-a dhe 45-b, si vijojnë:

"Neni 45-a

Gjobë në shumë prej 300 deri në 500 euro me kundërvlerë në denarë, do t'i kumtohet për kundërvajtje personit përgjegjës, përkatësisht personit zyrtar te poseduesi i informatës, nëse bën arkëton pagesë për qasje në informatën e kërkuar, në kundërshtim me nenin 10 paragrafi (2) i këtij ligji.

Neni 45-b

(1) Për kundërvajtjet e përcaktuara me këtë ligj, procedurë për kundërvajtje udhëheq dhe sanksione për kundërvajtje shqipton, gjykata kompetente.

(2) Para parashtrimit të kërkesës për ngritje të procedurës për kundërvajtje në gjykatën kompetente, bëhet barazimi në pajtim me Ligjin për kundërvajtje."

DISPOZITA KALIMTARE DHE PËRFUNDIMTARE

Neni 35

Kryetari, zëvendësi dhe anëtarët e Komisionit, të emëruar në pajtim me Ligjin për qasje të lirë te informatat me karakter publik ("Gazeta zyrtare e Republikës së Maqedonisë" numër 13/2006 dhe 86/2008), vazhdojnë me punë deri në skadimin e mandatit për të cilin janë emëruar.

Neni 36

Kërkesat e parashtruara për qasje të lirë te informatat me karakter publik para fillimit të zbatimit të këtij ligji, do të përfundohen në pajtim me Ligjin për qasje të lirë te informatat me karakter publik ("Gazeta zyrtare e Republikës së Maqedonisë" numër 13/2006 dhe 86/2008).

Neni 37

Ky ligj hyn në fuqi në ditën e tetë nga dita e botimit në "Gazetën zyrtare të Republikës së Maqedonisë", ndërsa do të fillojë të zbatohet nga 1 qershori 2010.